






Pina ya ga Sakima

-  Ursula Nafula
-  Peris Wachuka
-  Domitilla Naledi Madi
-  3
-  Setswana `tn-na`



Sakima o ne a nna le batsadi ba gagwe le kgaitsadie yo o dingwaga tse nne. Ba ne ba nna mo mmung wa monna wa mohumi. Ntlo ya bone ya borulelo jwa bojang e ne e le kwa bofelong jwa mola wa ditlhare.



Erile fa Sakima a le dingwaga tse tharo, o ne a bobola mme a fofala. Sakima o ne a na le bokgoni.



Sakima o dirile dilo tse dintsi tse bana ba bangwe ba dingwaga tse thataro ba sa di dirang. Sekai, o ne a kgona go nna le bagolo ba motse mme ba rerisana ka ga dintlha kgolo.



Batsadi ba ga Sakima ba ne ba dira kwa ntlong ya monna wa mohumi. Ba tswa fa gae maphakela thata mo mosong mme ba boela gae go le thari maitisiboa. Sakima o ne a tlogetswe le kgaitsadie yo monnye.



Sakima o ne a rata go opela dipina. Letsatsi lengwe mmagwe a mmotsa potso," O ithutile kae dipina tse, Sakima?"



Sakima a araba," Ditla fela, mme. Ke diutlwa mo tlhogong ya me mme morago ke opele."



Sakima o rata go opelela kgaitsadie, bogolo fa a tshwarwa ke tlala. Kgaitsadie o tla be a mo reetsa fa a opela pina e o e ratang thata. O ne a tle a tsikinyege go ya ka moribo o o ritibatsang.



"A o kgona go opela ka go boeletsa le go boeletsa gape, Sakima,"kgaitsadie o ne a mo rapela. Sakima o ne a amogela mme a opela ka go boeletsa le go boeletsa gape.



Maitsiboa mangwe fa batsadi ba boela lwapeng, ba ne ba didimetse tota. Sakima o ne a itse gore go na le sengwe se se sa siamang.



“Molato ke eng, mme, rre?” Sakima a botsa. Sakima a utlwa gore ngwana wa mosimane wa monna wa mohumi o nyeletse. Monna o ne a hutsafetse a jewa ke bodutu.



“Ke kgona go mo opelela. O kgona go itumela gape,” Sakima o ne a bolelela batsadi ba gagwe. Mme batsadi ba gagwe ba mo itlhokomologa. “Ke mohumi tota. Wena o mosimane wa sefofu fela. A o ithaya gore pina ya gago e tla mo thusa?”



Lefa go ntse jalo, Sakima ga se a ke a fele pelo. Kgaitسادie yo monnye o ne a mo ema nokeng. O ne a re, "Dipina tsa ga Sakima di a nkgomotsa fa ke tshwerwe ke tlala. Di tla gomotsa monna wa mohumi le ene."




Ka letsatsi le le latelang, Sakima a kopa kgaitradie yo monnye gore a mo tsamaisa kwa ntlong ya monna wa mohumi.




O ne a ema fa tlase ga letlhabaphefo lengwe le le golo mme a simolola go opela pina ya gagwe e o e ratang. Ka bonya, tlhogo ya monna wa mohumi ya bonala fa letlhabaphefong le le tonna.




Badiri ba emisa se ba ne ba sedira. Ba reetsa dipina tse dimonate tsa ga Sakima. Mme monna mongwe a re, "Ga go ope yo o kgonneng go gomotsa kgosi. A mosimane yo wa sefofu o ithaya a re o tla mo gomotsa?"



Sakima one a fetsa go opela pina ya gagwe mme a retologa gore a tsamaye. Mme mmona wa mohumi a tabogela kwa ntle ka bonako mme a re, "Tsweetswee opela gape."



Ka nako eo, banna ba le babedi batla ba tshoeditse mongwe ka bolao. Ba bonye mosimane wa monna wa mohumi a nteilwe a tlogetswe fa thoko ga tsela.




Monna wa mohumi o ne a itumetse thata go bona morwawe gape. O ne a duela Sakima jaaka a mo gomoditse. O ne a isa morwawe le Sakima kwa bookelong jaanong Sakima a fofologa.



Global Storybooks

globalstorybooks.net

Pina ya ga Sakima

 Ursula Nafula

 Peris Wachuka

 Domitilla Naledi Madi

